

續山東考古錄卷之三十

滄州葉圭綬子佩甫述

水考下

九河故道在山東境者惟屯別南瀆為鈞盤河漢於其側立般縣水經注以為九河之一最為有據德州老黃河東至樂陵北者今名鬲津河漢志鬲縣下云平當以為鬲津鬲城在德州境隋鬲津縣在樂陵境故禹貢雖指定為鬲津河但漢許商稱鬲津最南屯別南瀆在鬲津之南商稱篤馬河在九河南是不以屯別南河為九河數矣第鬲津最南之說惟依爾雅所載為次恐亦不足深據也元和志安德縣南有鬲津枯河詳上卷大通河故道

續山東考古錄

卷之三十

一 蝸角尖廬

典安德有古馬頰覆舖二河皆不足信齊乘考九河似頗翔實究失過鑿如以士傷河為鬲津不知即商河故道至近志枯渠斷港附會紛拏不足辨矣

周禮職方氏兗州其浸廬

漢志作廬

維鄭注當作雷雍字謂雷澤離

水也困學記聞引顏師古曰廬水在濟北廬縣說文濰水出琅邪箕屋山東入海徐州浸夏書濰淄其道鄭讀非也按鄭讀最確顏氏不明地理就字為解令人失笑廬縣並無廬水濰水夏屬青州周屬幽青二州既誤以為徐浸又以徐浸注兗浸且不
知周無徐州夫浸也者湖泊之稱也盈饒蒲魚涸生草木者曰澤藪有來源而瀦蓄成淵者曰浸兗之澤藪為大野浸非雷離

無足當之者盧無是水不必論濰在青幽二州亦不能名浸幽
浸爲淄時二水所匯之皮邱沆也青浸爲沂沬二水所匯之駱
馬湖也宋史沈括傳爲沬陽主簿縣沂沬水乃職方氏所書浸
曰沂沬者故跡漫爲汙澤括新其二坊疏水爲百渠九
堰以播節原委得上田七千頃可證斯湖古所有矣濰自源至委無瀦蓄處其枝津入夷
安泊乃後人
堰以溉
田者烏得以浸名乎

史記河渠書禹醜二渠以引其河漢書溝洫志孟康注二渠一
貝邱川一潔川按漢武塞瓠子決河河復北行二渠以爲復禹
舊迹故孟康亦以貝邱川爲禹迹其實周定王五年河始改由
此川烏得以爲禹迹乎然亦有可疑者左傳齊履西至于河其
時河尚未改自當西至禹河但詳考春秋時齊之西境若聊若

續山東考古錄

卷之三十

二 蝸角尖廬

攝若清若高唐若莒皆瀕貝邱川之東以西皆是晉地則齊西
境正抵此河雖不必爲禹迹似其來遠矣宋李垂導河形勢書
曰東爲潔川者乃今泉源赤河北出貝邱者乃今王莽故瀆而
漢塞宣房所行二渠蓋獨潔川其一則漢決之起觀城入蒲臺
所謂武河者也按漢塞宣房後所行二渠一潔川一仍貝邱川
王莽時空故又名王莽河當時以爲復禹舊迹固誤然非漢所
決則甚明入蒲臺者卽西漢末至宋初河道上流行潔瀆於東
武陽復與潔分在宋爲朝城地非觀城武河卽潔異名李氏似
於水經注全未寓目不然何至誣謬若是王莽河於貝邱西南
凡三大曲河流迂折每於上流潰決宣帝時命郭昌引而直東

河患稍息未幾復故遂又決於館陶是此渠險要在貝邱故漢人因以爲稱未必古有是稱也

又孝武元光三年河水徙從頓邱東南流入勃海禹貢錐指以爲稍東至東武陽卽奪漯川入海

漢志東萊縣下居上山聲洋丹水所出丹東北入海按聲洋水今清洋河丹似是別一水與聲洋同出一山者今福山之太姑河發源萊陽之三螺山兩水皆東北流至福山縣城東北合流入海故古以兩水名鎮疑今棲霞萊陽二縣間諸山古統名居止山而鉅齒其主峯也

互詳山考

此據景祐本讀書雜誌云下丹字衍汲古閣本東北上無丹字

續山東考古錄

卷三十

三 蝸角尖廬

又曲成縣下有參山萬里沙祠陽邱山治水所出南至沂入海按曲成在今掖招遠之間不能有南流至沂之水漢縣以沂名者惟臨沂並不濱海考姑尤爲齊東界名川不容不載治水乃姑水之訛姑水發源今招遠北之蹲犬山正漢曲成地南流至計斤縣入海沂字又斤之訛南武陽有治水東南入沂姑旣訛治斤遂訛沂矣讀書雜誌說與余同惟以治水爲尤水蓋泥於曲成故城在掖縣之故不知招遠亦有曲成地姑大於尤舉姑可統尤舉尤不能統姑也

路史姑尤之尤本作尤不知何據

又膠東國觀陽下應劭曰在觀水之陽按今所謂昌水當是古觀水昌陽移置後遂冒昌水之名耳

又濟南郡朝陽下應劭曰在朝水之陽據水經注朝陽在潞北
水北無所謂朝水也應氏注縣名有陽字者動曰某水之陽往
往並無其水未足深據

後漢志平原鬲縣下劉昭注魏都賦注曰縣有蓋節淵未詳

三國志魏書孫禮傳平原清河爭界以王翁河爲限未詳王翁

未聊城人見後漢書王青傳

又云平原在兩河向東上其間有爵堤爵堤在高唐西南按此
謂漢高唐城西南水經注河水逕高唐西此堤當是西漢末以
來河堤近志謂在今高唐州西南非是

晉書載記慕容垂進屯聊城之蓬關陂今無考

續山東考古錄

卷之三十

四 蝸角尖廬

魏書地形志司州陽平下有白馬淵今無考

又平恩下有康臺澤按後燕慕容農遣蘭汗取康臺卽此元和
志稱在平恩縣東五里今邱縣東南四里有盛水灣是已

又滄州樂陵下有白麻泉神

又兗州范縣下有涑溝

又齊州衛國下有石湯水

又齊州臨邑下有刀環水

又昌陽下有浮游水以上五水今並無考

新唐志平昌下云有馬頰河久視元年開號新河元和志作貞
觀元年開決在平昌縣南十里其安德縣下云馬頰河在縣南

五十里今平原鴻溝猶有枯渠東今出土人名篤馬河蓋下流合古屯別南瀆故也今德平南之鈎盤河卽此渠陵縣臨邑之間有般河店卽此渠所經德平以東仍南瀆故道矣近以德平德州馬頰河當之非也

唐書竇建德傳云我聞高雞泊廣袤數百里葭菼阻奧可以違難建德漳南人近志謂此泊在夏津武城及直隸清河縣境唐末樂彥禎子從訓伏兵高雞泊劫王鐸北夢瑣言以爲掠於甘陵可約略知所在矣

又藩鎮傳淄青李師古傳棣州有蛤蜊鹽池歲產鹽數十萬斛李長卿以州入朱滔獨蛤蜊爲李納所據以專利後德棣入王

續山東考古錄

卷之三十

五 蝸角尖廬

武俊納乃築壘德州南跨河以守蛤蜊謂之三汊通魏博以交田緒按池在棣州而築城德州以守殊不可解元史世祖紀中統二年三汊竈戶經宋兵焚掠免今年租賦是年宋山東降將掠濱棣二州而九域志濱州有三汊鎮似卽古三汊城也通志係三汊城於陵縣係蛤蜊城於惠民余雜考姑從之

唐開元十四年魏州河溢其決口謂之龍窩在觀城縣西境通典州郡志魯郡泗水縣下云有泮水按泮當在魯城中此泮字疑是洙字之訛

五代史段凝傳是時唐已下鄆州凝乃自酸棗決河東注鄆以隔絕唐軍號護駕水疑卽今曹州南之俗灘河是也

舊五代史葛從周傳從破兗州宋瑾之衆於馬溝按白馬河魏志作白馬溝在今鄒縣

宋史河渠志周顯德初大決東平之楊劉決河不復故道離而爲赤河又云赤河決東平之竹村又歐陽修疏云慶厯三四年橫隴之水又自海口先淤其後游赤金三河相次又淤九域志聊城有金河水平原亦有金河李垂以赤河爲深又言臣所至並稱黃河水入王莽河與西河故瀆注金赤河又韓贄言支河流入金赤河通考聊城有金沙水似卽金河然三河今皆不能指其故道

又良山令陳暉請疏鄆滑界縻邱河以分河水勢未詳

續山東考古錄

卷之三十

六 蝸角尖廬

又京東安撫黃廉言梁山張澤雨樂十數年來淤澱每歲汎浸近城民田乞自張澤灤下流濬至濱州可泄壅滯從之又治平十年河決曹村下埽澶淵流絕河南徙又東滙於梁山張澤灤按張澤灤當與梁山灤相近

又五行志淳化二年七月齊州明水漲壞黎濟砦城百餘堵明水未詳

又楊日嚴傳青徐飢改京東轉運使因請江淮陝西轉粟五十萬以賑貧民又開清河八十里抵援水河以便漕運按此清河當是南清河援水河未詳

又叛臣李全傳金遣完顏霆敗楊安兒於闕頭滴水斷其南路

安兒輕舸走卽墨闌頭滴水未詳

太平寰宇記楚邱縣棠水在縣北四十五里從城武縣入界南行五里合泡溝按楚邱故城並非衛所遷棠水因望楚與堂得名亦出附會此水似卽黃水枝津

此云從城武縣入境尤所未詳

今曹縣城武境內古無自東而西之水楚邱縣在城武西

又益都縣有平盧河水與地平故號平盧按此因平盧節度而附會者益都並無此水 又少海韓子曰齊景公與晏子遊於

少海按少海卽勃海不當係益都 又烏常泛涓涓水皆不在益都並詳前

又夏津縣澗河枯瀆在縣東三十六里按元豐九域志作澗溝

續山東考古錄

卷之三十

七 蝸角尖廬

文獻通考作閏溝疑卽今縣東老黃河也當亦大河支流

又臨黃廢縣黃溝西自觀城縣界流入東有小支出焉亦名黃

溝東南入虎掌溝按疑卽今濮州城南之玉帶河

又長河廢縣永濟渠在縣四十里四當作西

又商河縣馬頰河在縣北二十里按唐馬頰河在德平南十里

又東北則合古屯別南瀆不能至縣北二十里俟再考

又樂陵縣鬲津枯河在縣西三里按此據唐縣言或以此渠爲

屯別北河考此渠逕饒安故城南

今舊縣鎮南

漢定縣城在饒安東

南三十里此渠在定縣北與屯別北瀆逕定城南不合 又振

陂後魏太武所築在今縣西按今無考

元豐九域志清平有新渠今無考

又臨朐有般水考般水自發源至入孝婦河皆在淄川境或宋時臨朐西境至般水歟

又龔邱有謹水疑卽蛇水以逕謹城得名也

又平陰有鹹水未詳

金志禹城有洪水又奉符有梁水皆未詳

金史僕散安貞傳大安二年七月壬午賊棘七陣於辛河令僕散留家由上流膠西濟以大兵殺獲甚衆甲申安貞至萊州辛河未詳

又蒙古綱傳興定三年奏恩州武城縣艾家凹水灤清河縣澗

續山東考古錄

卷之三十

八 蝸角尖廬

口河灤其深一丈廣數十里險固可恃因其地形稍加浚治足以保禦請遷州民其中按二灤蓋相接故合計其深廣似卽古之高雞泊也

通考鄆城有農水未詳

元史李庭傳世祖賜以益都居第單河官莊按庭居壽光則單河當作丹河

齊乘夷安潭古奚養澤按漢志長廣下有奚養澤在西郡國志在挺縣下二縣本相接也元和志夷安澤在高密北二十里奚養澤在昌陽西北四十里混而一之可乎

又祊水出費縣南關陽川至沂州西又分而爲涑水按祊水發

源費縣西南大匡崗東北至縣城東北入浚河涑水卽武水非
昉水所分

又大清河又北逕臨邑縣考証云大清河至厯城東北卽入濟
陽縣界不逕臨邑蓋臨邑漢深陰縣地大清河所行深渠則臨
邑本其所經自金初置濟陽分臨邑疆域之半而邑境無清河
矣余按元和志臨邑縣濟水西去縣四十里蓋唐臨邑城在今
濟南府北僅六十里後魏時鵲山屬臨邑大清河本其所有可
知若深渠在唐臨邑北七里安得以大清河當之臨邑於宋代
已移今治其境內無大清河未必始於金析置濟陽也

自古迄今黃河凡數大徙皆經今山東境禹河卽後世之漳瀆
續山東考古錄

卷之三十

九 蝸角尖廬

周定王五年徙貝邱川西漢末行汴渠東漢初行深川至東朝
陽別流其故道並見水經注宋徙橫隴徙商胡東流北流迭爲
通塞金決陽武注梁山泊北清南清分流入海其故道並詳圖
考元復行汴渠卽今黃河惟金元之間曾行濶渠不經山東境
然與決瓠子決頓邱皆未幾復故不足數矣

人皆知運河爲元所鑿亦不盡然吳王夫差掘溝商魯之間北
屬之沂西屬之濟酈道元謂卽泗水滕嶧間漕渠是已晉荀羨
引洸通汶直抵東阿今陽穀東阿東平汶上濟寧漕渠是已惜
其時不知置牖宣節旋卽涸絕故桓温又有鑿金鄉之役惟東
阿至臨清乃元人所獨闢者 濟寧至東平名任城河東平至

臨清名會通河今統稱爲會通非也

元至正二十四年滋陽縣重修東嶽廟碑額上別有題字曰洗
水之東有湍水浴謂之鍛水今無考

續山東考古錄

卷之三十

十 蝸角尖廬